



ԼՈՒՐԵՐ ՔՈՒՅՐ ԵԿԵՂԵՑԻՆԵՐԻ ԿՅԱՆՔԻՑ

ԲԱՐԵԹՈՒՍԱԿԱՆ ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ
ԽՈՐՀՐԴԻ ՊԱՏՎԻՐԱԿՈՒԹՅԱՆ ԱՅՑԸ Կ. ՊՈԼՍԻ
ՀՈՒՆԱՑ ՏԻԵՋԵՐԱԿԱՆ ՊԱՏՐԻԱՐՔԻՆ

1979 թվականի հուլիսի 26-ին Կ. Պոլսի Տիեզերական Պատրիարքին է այցելում Բարեփոխական Եկեղեցիների Համաշխարհային Խորհրդի յոթ հոգուց բաղկացած պատվիրակությունը՝ գլխավորությամբ Խորհրդի նախագահ Սքքորդի:

Պաշտոնական ընդունելության ժամանակ պատվիրակությունը գրավոր առաջարկ է ներկայացնում Տիեզերական Պատրիարքին և վերջինիս միջոցով՝ բոլոր Օրթոդոքս Ե-

կեղեցիներին՝ սկսել աստվածաբանական մի դիպուգ Օրթոդոքս և Բարեփոխական Եկեղեցիների միջև:

Գրավոր պաշտոնական առաջարկի հանձնումից հետո, քրիստոնեական սիրո մթնոլորտում ճառեր են փոխանակվում Նորին Սրբություն Տ. Դեմետրիոս Ա Պատրիարքի և Բարեփոխական Եկեղեցիների Համաշխարհային Խորհրդի նախագահ Սքքորդի միջև:

ՕՐԹՈՂՈՔՍ ԵՎ ՀԻՆ ԿԱԹՈԼԻԿ ԵԿԵՂԵՑԻՆԵՐԻ ՄԻՋԵՎ ԴԻԱԼՈՂԻ ԱՍՏՎԱԾԱԲԱՆԱԿԱՆ ՀԱՆՁՆԱԺՈՂՈՎԻ ՉՈՐՐՈՐԴ ՀԱՆԴԻՊՈՒՄԸ

1979 թ. օգոստոսի 19—24-ը Բոննում, Արևմտյան Գերմանիայի հույն օրթոդոքս Եկեղեցու առաջնորդարանում, գումարվեց օրթոդոքս և հին կաթոլիկ եկեղեցիների միջև դիպուգի աստվածաբանական հանձնաժողովի չորրորդ հանդիպումը:

Սույն հանձնաժողովի Ա հանդիպումը տեղի էր ունեցել 1978 թվականին Աթենքում, Բ-ը և Գ-ը՝ 1975 և 1977 թվականներին Ժնևում, Կ. Պոլսի հույն պատրիարքության ներկայացուցչությունում:

Բազմաթիվ աստվածաբաններ մեծ կարևորությամբ են խոսում այս հանդիպումների վերաբերյալ՝ դրանք համարելով օրթոդոքս և հին կաթոլիկ եկեղեցիների այսօրվա կյանքի և գործունեության կարևորագույն իրողություններից: Եվ իրապես,

հանձնաժողովի աշխատանքները հիմք են տալիս այդ կարծիքին: Այսպես, Բ հանդիպման ժամանակ քննարկվել, հաստատվել և հրապարակվել են հետևյալ հինգ աստվածաբանական տեքստերը.

1.—Աստվածային Հայտնության և դրա ավանդության մասին:

2.—Ս. Գրքի կանոնի մասին:

3.—Երրորդության մասին:

4.—Աստվածային Լոգոսի (Խոսքի) մարդացման մասին:

5.—Քրիստոսի երկու բնությունների միության մասին:

Իսկ Գ հանդիպման ժամանակ շարադրվել, հաստատվել և հրապարակվել են երկու աստվածաբանական տեքստեր՝

1.—Աստվածածնի մասին:

2.—Եկեղեցու Եղեյան և յուրահասակությունների մասին:

Սույն Դ հանդիպմանը մասնակցում էին Օրթոդոքս Եկեղեցու կողմից՝

Վ. Պոլսի Տիեզերական, Ալեքսանդրիայի, Նրուսաղեմի, Մոսկվայի և Համայն Ռուսաստանի, Ռումինիայի և Բուլղարիայի Պատրիարքությունների, ինչպես նաև Արարչի և Հունաստանի ինքնավար արքեպիսկոպոսությունների ներկայացուցիչները:

Հին կաթոլիկ եկեղեցու կողմից՝

Հոլանդիայի, Արևմտյան Գերմանիայի, Գվեյնարիայի, Ավստրիայի, Լեհաստանի, ԱՄՆ-ի և Կանադայի ինքնավար եկեղեցիների ներկայացուցիչները:

Հանձնաժողովի աշխատանքներին մասնակցում էին Արևմտյան Գերմանիայի հույն օրթոդոքս Եկեղեցու միտրոպոլիտ Իրինեոսը և Գվեյնարիայի հին կաթոլիկ Եկեղեցու եպիսկոպոս Լեոն Գոթին:

Դ հանդիպմանը ընթացքում մասնակցում էր ընկառվել 1978 թ. օգոստոսին Աթենքում տեղի ունեցած ենթահանձնաժողովի հանդիպման ժամանակ պատրաստված հետևյալ չորս տեքստերը.

1.—Եկեղեցու միությունը և տեղական եկեղեցիները:

2.—Եկեղեցու սամանները:

3.—Եկեղեցու հեղինակությունը:

4.—Եկեղեցու անխաղաղությունը:

Ժամանակի անբավարարության պատճառով քննարկվեցին, ստորագրվեցին և հրապարակվեցին միայն 1-ին և 2-րդ տեքստերը:

Հանձնաժողովի աշխատանքային վերջին հիստում, ընդառաջելով Լ. Գոթին և Եպիսկոպոսի հրավերին, որոշվեց ենթահանձնաժողովի հերթական հանդիպումը անցկացնել Բեռլինում, 1980 թ. սեպտեմբերի երկրորդ կեսին:

Այնուհետև Միսակի և Բելոռուսիայի միտրոպոլիտ Ֆիլարետը ժողովին է հաղորդում Մոսկվայի և Համայն Ռուսաստանի Պատրիարք Նորին Սրբություն Տ. Պիմենի հրավերը՝ հանձնաժողովի հերթական հիստը անցկացնելու Մոսկվայում, 1981 թ. օգոստոսի 28-ից հետո: Ռուսաց Պատրիարքի հրավերը ընդունվում է ուրախությամբ:

ԱՍՏՎԱԾԱԲԱՆՆԵՐԻ ՀԱՆԴԻՊՈՒՄ ԼԵՆԻՆԳՐԱԴԻ ՀՈԳԵՎՈՐ ՃԵՄԱՐԱՆՈՒՄ

1979 թվականի սեպտեմբերի 28-ին Լենինգրադի հոգևոր ճեմարանում կապցավ Ֆիննական Հելսինկի և Տուրկու քաղաքների աստվածաբանական ֆակուլտետների ներկայացուցիչների հանդիպումը Լենինգրադի հոգևոր ճեմարանի աստվածաբանների հետ:

Ֆիննական կողմից գրույցին մասնակցում էին Գելսինգորֆի միտրոպոլիտ, Հելսինկիի և Տուրկուի համալսարանների աստվածաբանական ֆակուլտետների դոցենտ Իոանը, Հելսինկիի համալսարանի աստվածաբանական ֆակուլտետի պրոֆեսոր, Պրավոսլավոսքում ուսումնասիրման ինստիտուտի դիրեկտոր դոկտ. Կառլո Պիրինեն և Տուրկու քաղաքի աստվածաբանական ճեմարանի պրոֆեսոր դոկտ. Յուկկա Թյուրեն:

Լենինգրադյան կողմից մասնակցում էին՝

Վիբորգի արքեպիսկոպոս, Լենինգրադի հոգևոր ճեմարանի տեսուչ Կիրիլը, հույն ճեմարանի փոխտեսուչ պրոֆ. Վասիլի ավագ քահանա Ստոլկովը, պրոֆ. Լիվերի ավագ քահանա Վորոնովը, պրոֆ. Վլադիմիր ավագ քահանա Սորոկինը, հույն ճեմարանի մանկավարժական խորհրդի քարտուղար Ավգուստին արեղան և ուրիշներ:

Հանդիպման ժամանակ քննարկվեցին Ֆինլանդիայի և Լենինգրադի հոգևոր դպրոցների միջև հարաբերությունների հետագա զարգացման մի շարք հարցեր: Հավաքի մասնակիցները համաձայնության եկան այն հարցի շուրջ, որ սույն կապերի ընդլայնումը էլ ավելի կհարստացնի երկու երկրների աստվածաբանական ուսումնական հաստատությունների գիտական կամքը, ինչպես նաև կսերտացնի երկու եկեղեցիների և ժողովուրդների քաղկաժությունը:

ՀՈՈՄԻ ՀՈՎՀԱՆՆԵՍ-ՊՈՂՈՍ Բ ՊԱՊԻ ԱՅՑԵԼՈՒԹՅՈՒՆԸ Կ. ՊՈԼԻՍ

1979 թվականի նոյեմբերի 29-ին Կ. Պոլիս այցելեց Հոռմի Հովհաննես-Պողոս Բ Պապը՝ ուղեկցությամբ Վիլլերանդս և Կազարովի կարդինալների և հինգ արքեպիսկոպոսների:

Սրբազան քահանայապետին օղանավակայանում դիմավորեց Հունաց Տիեզերական Պատրիարք Տ. Դեմետրիոս Ա-ը, Կ. Պոլսի Հայոց Պատրիարք Տ. Ծնորհք արքեպիսկոպոս Գալուստյանը, ինչպես նաև կրոնական ու պետական բարձրաստիճան այլ անձինք:

Նույն օրը Հովհաննես-Պողոս Բ Պապը այցելեց Ս. Սոփիայի տաճար, Հունաց և Հայոց Պատրիարքական Աթոռներ:

Ժամը 19-ին Սրբազան քահանայապետը ա. պատարագ մատուցեց տեղի Կաթոլիկ Եկեղեցու Ս. Հոգու Մայր տաճարում՝ ներկայությամբ Տ. Դեմետրիոս և Տ. Ծնորհք Պատրիարքների:

Ս. պատարագի արարողությունն հեռուստատեսությամբ հաղորդվեց բազմաթիվ երկրներ:

Ս. պատարագի ավարտին Սրբազան

Քահանայապետը ատյան հրավիրեց Հունաց և Հայոց Պատրիարքներին՝ իրենց օրհնությունները տալու հավատացյալ ժողովրդին:

Նոյեմբերի 30-ին, Ս. Անդրեաս առաքյալի և Կ. Պոլսի Աթոռի տոնին, Հունաց Պատրիարքական Մայր տաճարում ա. պատարագ մատուցեց Տ. Դեմետրիոս Պատրիարքը:

Պատմության մեջ առաջին անգամ Հունաց Մայր տաճարում ա. պատարագի արարողությանը մասնակցեց Հոռմի Քահանայապետը:

Ս. պատարագի ավարտին օրհնության խոսք ասացին Սրբազան Քահանայապետը և Տիեզերական Պատրիարքը:

Ս. պատարագի ավարտից հետո Հունաց Պատրիարքարանում Հոռմի Հովհաննես-Պողոս Բ Պապը և Հունաց Տիեզերական Պատրիարք Դեմետրիոս Ա-ը ստորագրեցին համատեղ մի Հայտարարություն, որտեղ արտահայտություն է գտել երկու Հովհաննեսների՝ Քրիստոսի Եկեղեցու միությունը իրականացած տեսնելու բաղձանքը:

